

## **Warga UMP semarakkan kemeriahkan Expokonvo 2015**



Kuantan, 14 Oktober- Lebih 1000 pelajar Universiti Malaysia Pahang (UMP) memeriahkan Majlis Pelancaran Expoconvo yang dirasmikan oleh Ahli Lembaga Pengarah UMP, Dato Ahmad Azmey Haji Abu Talib sempena Majlis Konvokesyen UMP ke-10 di Dataran Canseleri, UMP Kampus Gambang, di sini malam tadi.

Hadir sama Timbalan Naib Canselor (Hal Ehwal Pelajar & Alumni), Prof. Dato'Dr. Yusserrie Zainuddin, Timbalan Naib Canselor (Akademik & Antarabangsa), Profesor Dato' Dr. Rosli Mohd Yunus, Penolong Naib Canselor (Jabatan Jaringan Industri & Masyarakat), Prof. Dr. Zulkefli Yaacob dan Pemangku Pendaftar, Abd Rahman Haji Safie.

Dalam ucapan perasmianya beliau berkata amat berbangga dengan pencapaian UMP berbanding 13 tahun dahulu apatah lagi beliau pernah menghadiri Majlis Konvokesyen UMP pada tahun 2006 lalu semasa menjawat jawatan Pengarah Pendidikan Negeri Pahang.



Katanya, pada masa itu Majlis Expoconvoh dan Majlis Konvokesyen UMP telah diadakan di luar UMP berbanding kemeriahannya sambutannya pada masa ini.

"Inilah kemajuan dan pembangunan pesat yang telah dicapai oleh UMP dalam tiga belas tahun usia penubuhannya. Bagi melestarikan kecemerlangan UMP, saya percaya bahawa warganya samada staf dan pelajar perlu berwatak ideal iaitu mereka yang bersikap bukan biasa-biasa tetapi berani mencabar status quo dengan paradigma luar biasa dan terbilang," katanya.

Tambahnya, keberanian tersebut boleh dijelmakan dengan mendakap falsafah kreativiti, inovasi dan kesarjanaan secara yang terarah di atas jalan yang rasional, matang, sistematis dan berdisiplin.

Beliau berbangga dengan mahasiswa UMP yang dapat menganjurkan Expoconvoh ini dan berharap Expoconvoh ini menjadi medan yang amat praktikal di mana asas-asas ilmu ini dapat dipelajari, sekaligus mempertajamkan pengetahuan tambahan sebagai mahasiswa yang kompetitif.



Manakala menurut Pengarah Program Expoconvo 2015, Poh Yi Fei berkata, program yang bertemakan 'Ceriakan Hidup Setempat' ini yang menampilkan pelbagai program menarik sehingga Ahad ini.

Menjelang Majlis Konvokesyen yang bakal berlangsung pada hujung minggu ini, antaranya yang dianjurkan Bersama 30 Minit Ustaz Don dengan kerjasama TV Alhijrah, pertandingan Combat, Channel the Workout, Minutes to Win, Big Stomach Competition dan Worriors Night. Ladies Day dengan penampilan Artis Aina Tasneem, Running Man dan Program Kalau Dah Jodoh bersama Ustaz Kazim Elias.

Apa yang lebih menariknya Expoconvo pada kali ini iaitu Pertandingan Mewarna, Mini Agro, Mini RTC dan 68 gerai jualan dan pameran

Dalam majlis perasmian ini juga dipertontonkan persempahan kebudayaan melibatkan dari pelajar antarabangsa iaitu kumpulan Yaman Dance, Persembahan Gendang dari Kumpulan 24 Season Drum dan yang menarik perhatian adalah persempahan persempahan pancaragam Tentera Udara Diraja Malaysia (TUDM).

Dalam majlis itu, Dato' Ahmad Azmey turut menyampaikanhadiah kepada enam pemenang Kongsi dan Menang[Share and Win] Mygift UMP di Facebook dan Instagram yang telah dilancarkan sejak bulan lalu. Mereka adalah Ivy Lam Yoke Chin, Wan Mohd. Khairul Azka Razali, Alawiah Mely , Nur fatin Syafira Rozak, Muhammad Syarif Al'Azmi dan Muhammad Amirul Zikri Musa.

Turut berlangsung pelancaran kempen #RM10 MyGift bagi mengisi tabung bencana sebagai usaha mengumpul dana membantu mangsa bencana banjir pada musim tengkujuh nanti. UMP memperkenalkan program MyGift ini sebagai satu usaha mengumpul sumbangan daripada mana-mana pihak bagi menyalurkan sumbangan endowmen bagi tujuan tajaan pelajaran, penyediaan kemudahan prasarana kepada pelajar mahupun membudayakan semangat membantu golongan yang memerlukan.



Tiga endowmen yang diperkenalkan adalah Endowmen Kursi, Endowmen Biasiswa Pelajar, Endowmen Makmal/Kemudahan manakala enam tabungan yang akan dilaksanakan adalah Tabung Ramadan, Tabung Masjid, Tabung Bencana, Tabung Wakaf, Tabung Komuniti dan Tabung Tidak Patuh Syariah.

Majlis Konvokesyen yang akan berlangsung pada 17 dan 18 Oktober ini bakal menyaksikan seramai 2,553 orang graduan UMP menerima ijazah dan diploma masing-masing pada majlis konvokesyen yang akan berlangsung di Dewan Kompleks Sukan Universiti, UMP Kampus Gambang. Graduan melibatkan seramai 39 orang graduan Doktor Falsafah (PhD), 106 orang graduan Sarjana, 1620 orang graduan Sarjana Muda dan 788 orang graduan diploma membabitkan sembilan fakulti dan dua pusat pengajian.

**Disediakan Unit Perhubungan Awam, Bahagian Komunikasi Korporat PNC**

Posted By : NOR FADZILLAH BINTI ZULKIPLI Date Posted : 15-10-2015, 15:48:14